

КУТИБ ОЛ, ДУНЁ, ЯНГИ ЎЗБЕКИСТОН ЁШЛАРИ КЕЛМОҚДА

2021 йилнинг 26-30 декабрь кунлари Польшада шахматнинг блиц ва рапид йўналиши бўйича ўтган жаҳон чемпионатида 17 ёшли истеъдодли гроссмейстеримиз Нодирбек Абдусатторов рапид йўналишида дунёнинг амалдаги етакчи шахматчиларини мағлуб этиб, жаҳон чемпионлигини қўлга киритди.

2022 йил 3 январь кунини пойтахтимиздаги Миллий олимпия қўмитасида Нодирбек Абдусатторовни тақдирлаш маросими ташкил этилди.

Тадбир аввалида Президентнинг Нодирбек Абдусатторовга «Мард ўғлон» давлат мукофоти берилиши тўғрисидаги фармони Президент маслаҳатчиси Абдужаббор Абдувоҳидов ўқиб эшиттирди. Президент матбуот котиби Шерзод Асадов чемпионга давлатимиз раҳбари номидан Тошкент шаҳридан икки хонали уй қалитини топширди. Бош вазир ўринбосари, туризм ва спорт вазири, Ўзбекистон шахмат федерацияси раиси Азиз Абдуҳақимов Нодирбек Абдусатторовга 250 миллион, унинг мураббийлари Жаҳонгир Воҳидов ҳамда марҳум Дмитрий Каюмовнинг оиласига 100 миллион сўмдан, блиц йўналиши бўйича жаҳон чемпионатида 8-поғонадан жой олган Жавоҳир Синдоровга 50 миллион, муносиб иштироки учун Шамсиддин Воҳидовга 25 миллион сўмдан пул мукофотларини топширди.



Сурхондарё вилояти

Бунёдкорлик

ҲАҚИҚИЙ БОҒЗОРГА АЙЛАНАЁТГАН БОҒЧА

Термиз шаҳридан 250 километр, Сарийоғ тумани марказидан 75 километр қақрим олисдаги тоғ ёнбағрида жойлашган «Сангардак» маҳалласи Боғча қишлоғи аҳли Янги йилни кўтаринки кайфиятда шоду хуррамлик билан кутиб олди. Чунки қишлоқда 4 та ижтимоий объект фойдаланишга топширилди.

Президентимизнинг ўтган йил 1-2 июнь кунлари Сурхондарё вилоятига қилган сафари чоғида берилган топшириққа асосан мазкур қишлоқдаги бунёдкорлик ишлари учун 8,7 миллиард сўм маблағ йўналтирилиб, «Термиз таъминот саноат қурилиш» корхонаси томонидан таъмирталаб ҳолатда бўлган 44-умумтаълим мактаби биноси замон талабларига мос қиёфа касб этди. Бундан ташқари, 80 ўринли янги қўшимча бино ҳамда барча қулайликларга эга бўлган спорт зали қуриб битказилди. Шунингдек, Боғча қишлоғи аҳли учун 40 ўринли мактабга таълим ташкилоти, тиббий пункт ва кутубхона бунёд этилди.

Қисқа фурсатда чекка қишлоқда хаёлга келмаган ишлар амалга оширилди. 6 ой мобайнида муҳташам кўркам бинолар қад ростлади.

Боз устига, ўтган йили давлат дастури асосида қурилиши бошланган 22 километр масофадаги автомобиль йўли жорий йилда тўлиқ фойдаланишга топширилади.

– Биз, тоғлиқлар Президентимизга чексиз раҳматлар айтамыз. Бу ишлар инсон қадрини улуғлашнинг амалдаги исботидир, – дейди Боғча қишлоғи Аллаберди ота Беков.

Рустам ДАВЛАТОВ,
«ISHONCH»



Кун нафаси

Ўзбекистон Президенти Шавкат Мирзиёев 2022 йил 5 январдан навбатдаги қисқа мuddатли меҳнат таътилига чиқди.

АҚШда биринчи марта Ўзбекистон ёшлар форуми ўтказилди. Тадбир Виржиния штатидаги «ZiyoTek» технологик институтида Ўзбекистон ёшлари умумжаҳон ассоциацияси ва Ёшлар ишлари агентлиги ҳамкорлигида ташкил этилди.

Пешовар университети ҳузуридаги Алишер Навоий марказида «Н.Е. Shavkat Mirziyoyev: A visionary statesman» – «Шавкат Мирзиёев – узоқни кўра биладиган давлат арбоби» номли тахлилий мақолалар китоб тўлами тақдироти ўтказилди.

Мудофаа вазирлиги қўшинларини ҳарбий техника ва қурол-аслаҳалар билан бугунги кунга янги таъмирлаш ва модернизация қилиш бўйича тасдиқланган чора-тадбирлар дастурига мувофиқ, янгидан харид қилинган 11 дон «КАМАЗ-4326» русумли юк автомобилли Нукус гарнизонидаги ҳарбий қисмлардан бирига топширилди.

Давлат хизматлари агентлиги матбуот хизматининг хабар беришича, давлат хизматлари марказларига ташриф буюрувчи фуқароларимиз фикрларини инобатга олган ҳолда эски ҳайдовчилик гувоҳномасини алмаштириш мuddати 3 ойдан 1 йилгача узайтирилди.

Фуқароларга хорижга чиқиш паспортини бериш Давлат хизматлари марказларида ҳам йўлга қўйилди. Паспорт олиш учун тўлов миқдори 324 минг сўмдан 270 минг сўмга туширилди.

Тошкентга Москванинг Никулин цирки келади. Байрамона Янги йил шоуси 7-8 январь кунлари Хумо Аренада бўлиб ўтади.

«The Independent» нашри Ўзбекистонни савҳат қилиш учун энг яхши мамлакатлар қаторига қўшди.

2021 йилнинг январь-ноябрь ойларида Ўзбекистонга қиймати 115,3 миллион АҚШ долларига тенг бўлган 308,4 миллион литр автомобиль бензини импорт қилинган. Қайд этилишича, автомобиль бензини импорти 2020 йилнинг мос даврига нисбатан 112 миллион литрга ошган.

Ўзбекистон дзюдо федерацияси матбуот хизматининг маълум қилишича, жорий йилнинг 8-25 январь кунлари пойтахтимиздаги «ЖАР» спорт-соғломлаштириш мажмуасида дзюдо бўйича халқаро ўқув-машғулот йигини бўлиб ўтади.

Интернет хабарлари асосида тайёрланди

Янги йил ўйлари

ЮРТНИНГ ОРЗУЛАРИ ОЛАМ ҚИЗИМАН!

Орта қолган 2021 йилда она Ватанимизда мисли кўрилмаган ўзгаришлар бўлдики, буларнинг ортидан янги-янги имкониятлар эшиклари очилди. Масалан, кўплаб янги ўқув даргоҳлари ишга туширилиб, минглаб иқтидорли ўғил-қизларнинг ёрқин келажагига мустақкам замин яратилди.

Шу ўринда менинг ҳаётимда ўчмас из қолдирган муҳим воқелик – Халқ таълими вазирлиги ҳамда Ўзбекистон касба уюшмалари Федерациясининг ташкилотчилиги остида ўтказилган «Менинг Президентим» ижодий ишлар танлови ҳақида сўз юритмоқчи эдим.

Юртимизнинг кўпсонли ёшлари қатори бу танлов менда ҳам катта қизиқиш уйғотди. Чунки Президентимизнинг ташқи сиёсат оламида ва юртимизда олиб бораётган эзгу ташаббуслари ҳамда ислохотлари ҳақида ёзиш бизга ўзгача ғурур ва масъулият юклайди. Миллатимиз сардорининг ёш авлодга бўлган эътибори, ишончи чуқур билим олишимизда бемисл мотивация бермоқда, десам асло муболаға бўлмайд.

Танловнинг республика босқичи иштирокчиси бўлиш бахти насиб қилганидан беҳад хурсандман.

Ватан тақдирини, истиқболни учун барча-барчани улғу мақсадлар сари йўналтирган, халқимизнинг онгу шуурида Миллат лидери сифатида намоён бўлган Президентимизнинг жасорати, фидойилиги олдида шу Ватаннинг жажжигина фарзанди сифатида бош эгаман, таъзим қиламан!

Муҳтарам Президентимга ва халқимга бўлган чексиз меҳримни куйидаги сатрларда ифода этаман:

**Ватан – бошим узра нурафшон осмон,
Чақинман, осмоннинг нур юлдузиман!
Ватан – таним узра оқиб турган қон,
Юртнинг орзулари олам қизиман...**

Бугун мен олам-олам орзулар оғушида улғаяётиман. Эзгу ниятларимнинг ушалишига ишонаман. Зеро биз учун барча имкониятлар эшиги очилди.

Райҳона ҚУЛБУЛОВА,
Яккабоғ туманидаги 84-умумтаълим мактаби ўқувчиси,

«Менинг Президентим» ижодий ишлар танлови республика босқичининг «Ёшларга оид давлат сиёсати ёритилган энг яхши иш» номинацияси совриндори



Қашқадарё вилояти

Янги йил арафасида Сурхон воҳасининг Термиз шаҳридаги «Мангузар» маҳалласида уй-жойга муҳтожлар учун бунёд этилган уйлар ўз эгаларига топширилди.




Бор бўл, оқибат!
«Мангузар»да 100 та оила қувончи



– Президентимиз ташаббуси билан бошланган хайрли иш бугун яна 100 та оила – ногиронлиги бўлган хотин-қизларнинг қалбида эртанги кунга умид ва ишончини мустаҳкамлади, – деди Сурхондарё вилояти ҳокими Тўра Боболов. – Бу кун сизлар учун қанчалик қадри эканини ҳис қилиб турибман. Ҳар бирингизнинг оилангиз давлат томонидан қўллаб-қувватланиб, уй-жойларнинг бошланғич тўловлари тўлаб берилди. Энг асосийси, бу уйлар ҳам мустаҳкам, ҳам яшаш учун тайёр ҳолда топшириляпти.

Янги уйларнинг қалитларини тантанали равишда топширган вилоят ҳокими нурунйиллар билан биргаликда хонадонларга кириб, уй эгаларининг қувончига шерик бўлди.

– Иккинчи гуруҳ ногирониман. Аёлим олийгоҳда фаррош бўлиб ишлайди. Бир нафар фарзандимиз бор. 22 йилдан буён опамнинг уйда яшар эдик. Яратганга шукр, ўз бошпанамизга эга бўлдик. Президентимизга мингдан-миг раҳмат. Йиллар давомидаги орзуларим мана ниҳоят ушалди, – дейди хонадон эгаларидан бири Алишер Саидмуродов.



Рустам ДАВЛАТОВ, «ISHONCH»



Бухоро вилояти

«Мен мақса-димга эришиш учун энг қийин йўлни танлайман. Чунки унда рақобатчилар бўлмайди».

Бухоролик фаол тadbиркор аёллардан бири Мамлакат Содиқованинг ҳаётий шиори ана шундай. У ҳеч қачон машаққатлардан чўчимайди, эзгу мақсадлари сари интилишдан чарчамайди. Бунда, энг аввало, ўз кучига ва турмуш ўртоғининг мададига таянади.



Мамлакат опанинг муваффақият формуласи

– Мен зиёлилар оиласида туғилганман, – дейди у. – Тақдир тақозосига кўра, шаҳардан қишлоққа келин бўлиб тушдим. Ҳаётнинг паст-баланд сўқмоқларида турмуш ўртоғимга қўш қанот бўлиб, рўзгор камини тўлдиришга кўмаклашиш ҳақида ўйлай бошладим. Мутахассислигим иқтисодчи-бухгалтер бўлгани боис савдо соҳасини танладим. Умр йўлдошимнинг розилигини олган, 2004 йили тadbиркорлик фаолиятини бошлаб юбордим. Режамга кўра, қишлоқ ҳўжалиги маҳсулотларини куриштиш ва сақлаш йўналишида иш юритишга жазм этдим.

Дарвоқе, Мамлакат опа ишбилармон бўлиш азобга айланган, унга қўл урганларнинг аксарияти касодга учраётган даврда қўрқмай майдонга кирди. Дебютига ижарага олинган давлат биносида икки киши ҳамкорлигида меҳнат қила бошлади. Бора-бора уларнинг сонини олти нафарга етказди.

Иши бирмунча юришгач, вилоят ҳокимлигига бориб, фаолиятини кенгайтириш учун янги иншоот зарурлигини тушунтирди. Тез орада ўзига ажратилган ерда корхона биносини курди. Шу тариха «Замин мадад савдо» мастулияти чекланган жамияти вужудга келди.

Мамлакат опанинг кўпчилик тadbиркорлардан фарқли жиҳати шундаки, у ҳалигача кўп қаватли бинодаги хонадонда яшайди. Шундай эса-да, топган маблағини оиласи учун маҳобатли ҳовли-жой барпо этишга ва қимматбаҳо машиналар сотиб олишга эмас, балки тadbиркорлик фаолиятини янада ривожлантиришга сарфлади.

Ҳозир корхона ички бозордан ташқари, МДХ мамлакатларига ҳам ўз маҳсулотларини етказиб бермоқда. Унда йигирмадан зиёд аёл доимий, қирқ нафарга ақин хотин-қиз мавсумий фаолият юритмоқда. Ҳозир «Ўзбегимнинг бахтли тadbиркор аёлиман», дейишни ёқтирадиган Мамлакат Содиқова янги инновацион лойиҳалар устида изланишларини давом эттирмоқда. Улардан бири қишлоқ ҳўжалиги маҳсулотларини етиштириш ва қайта ишлаш орқали касаначи-

лик асосида хотин-қизлар бандлигини таъминлашнинг замонавий технологиясини жорий этишдир. Бу лойиҳадан кўзланган асосий мақсад касаначиликни йўлга қўйиш эвазига камбағалликни қисқартириш, қишлоқларда янги иш ўринлари очиб, аёлларни доимий ва мавсумий иш билан таъминлаш, серкўёш заминида етиштирилган турли-туманоз-неъматларни экологик тоза усулда куриштиш ва сотиш о р қ а л и о з и қ - о в қ а т х а в ф с и з л и г и г а эришишдан иборатдир.

Ўтган йил 20-23 сентябрь кунлари Бишкек шаҳрида бўлган қирғизистонлик ва ўзбекистонлик тadbиркор аёллар мулоқотида Олий Мажлис Сенати Раиси Танзила Нурбоева бошчилигидаги делегациямиз қатнашди. Унинг сафида вобекентлик Мамлакат Содиқова ҳам бор эди. Форум давомида у қўшни давлат бизнесменлари билан ўзаро келишиб, 3,5 миллион долларлик шартнома имзолашга эришди.

Айни кезларда Мамлакат опа бир неча ташилотда жамоатчилик асо-



Хирмонингиз доим юксак бўлсин!

Ўтган 2021 йилда қишлоқ ҳўжалигининг барча йўналишларида кўзланган марраларга эришилди. Жўмладан, Хоразм вилоятида гектаридан ўртача 35 центнердан, жами 289,8 минг тонна ёки аввалги йилдагидан 14,6 минг тонна кўп пахта етиштирилди. Фермерлардан 226 нафари ҳосилдорликни 40 центнердан, 20 нафари 50 центнердан оширди. Бу жиҳатдан Қўшқўпир, Гурлан, Ҳазорасп туманларидаги «Муаттар», «Оқмон уста», «Мискинбодлик Диёр» фермер ҳўжаликлари салмоқли натижаларга эришди. Янгибозор, Боғот, Гурлан туманларидаги «Хоразм фахри», «Дилшод», «Нажмиддинхўжа» фермер ҳўжаликлари эса гектаридан 70-75 центнердан ғалла ҳосили олдилар.

Албатта, бундай муваффақиятлар осонликча қўлга киритилмайди. Ҳосил мўл бўлиши бошқа кўплаб омиллар сингари сувга ҳам боғлиқ. Шунга кўра, сўнгги беш йилда «Хоразм вилояти Тошсоқ тизимидаги магистрал сўғориш каналларини қайта тиклаш» лойиҳаси амалга оширилди. Унинг доирасида 215 км. узунликдаги каналлар бетонлаштирилди, 98,6 км. узунликда каналлар реконструкция қилинди, 829 та иншоот янгидан қурилди ва реконструкция қилинди, 14,51 млн. куб метр тупроқ ва 307,1 минг куб метр бетон ишлари амалга оширилди. Натижада, вилоятдаги жами 191,3 минг гектар сўғориладиган ернинг сув таъминоти ҳамда 100 минг гектар ернинг мелиоратив ҳолати яхши-

ланди. Реконструкция қилинган каналларнинг фойдали иш коэффициенти 90 фоизгача ошиб, йилига 300-400 млн. куб метр сув тежалди.

Бундан ташқари, ўтган йил давомида жами 11,3 минг гектар ерда сув тежовчи технологиялар қўлланилди ҳамда 30 минг гектарда лазер текислаш ишлари бажарилди. Натижада 70 млн. куб метр ҳажмли ирригация тармоқларидаги таъмирлаш-тиклаш тadbирлари ҳисобига 166,5 млн. шўр ювишда кол-лектор-зовур сувларидан фойдаланиш эвазига 189,4 млн. куб метр сув иқтисод қилинди. Шу тариха тақририй қишлоқ ҳўжалиги экинларини кафолатли сув билан таъминлаш имкони яратилди.

Соҳани ривожлантиришда кластерлар фаолиятини йўлга

қўйиш, маҳсулотларни харид қилиш ва сотишда эркин рақобатни таъминлайдиган бозор таъминотларини жорий этиш, фермер ҳўжаликлари манфаатдорлигини ошириш борасидаги ислохотлар ҳам муҳим аҳамият касб этмоқда. Ҳозир вилоятда 11 та пахта-тўқимачилик, 8 та ғаллачилик, 6 та мева-сабзазчилик, 5 та шолчилик, 4 та пиллачилик ва 1 та қўйчилик иختисослашган кластерлар фаолият кўрсатмоқда.

Пахта-тўқимачилик кластерларига фойдаланиш учун 82,7 минг гектар экин майдони (шундан 8,7 минг гектари ўзлариники) бириктирилган. Улар бугунги кунда ишлаб чиқаришнинг пахта хомашёси етиштиришдан тортиб, ундан тайёрланган маҳсулотни сотишгача бўлган узлуксиз занжирни яратиш мақсадида йирик қувватли лойиҳаларни амалга ошириш, янги иш ўринлари очиб, экспортбоп маҳсулотлар тайёрлаб, ҳудуднинг бу борадаги салоҳиятини юксалтириш бўйича иш олиб боришмоқда. Пахтачиликда ерга муносибатнинг тубдан ўзгариши, тежамкор технологиялардан фойдаланиш ҳосилдорлик ошишига хизмат қилмоқда.

2018-2021 йилларда кластерлар томонидан юқори самарадорликка эга 800 дан зиёд қишлоқ ҳўжалиги техникаси келтирилди.

2021 йилда 8367 гектар пахта майдонига умумий қиймати 168,4 млрд. сўмлик сув тежовчи технологиялар ўрнатилди. Кейинги икки йил ичида 11 та пахта-тўқимачилик кластери корхонаси томонидан вилоятда 92 минг тонна пахта толасини қайта ишлаб, 72,6 минг тонна ип-калавая тайёрлашга мўлжалланган 11 та, 43,6 минг тонна ип-калавани қайта ишлаш қувватига эга 9 та, мато тўқиш, уни бўйаш ва тайёр трикотаж маҳсулотлар ишлаб чиқаришга иختисослашган 18 та, 204 минг тонна чигитни қайта ишлайдиган 6 та, 7500 бош қорамолга мўлжалланган чорвачилик комплекси ташкил қилиш қувватига эга 7 та лойиҳани ишга тушириш чоралари қўрилмоқда. Бу мақсадларга эришиш жараёнида 15 мингта янги иш ўрни яратилади.

Дастурхонларимиз тўқинлиги, бозорларимиз баракоти, турмушимиз фаровонлиги миришкор деҳқонларимизнинг фидокорона халқнатлари самараси эканлигини маълум этиш билан, Шу боис биз ҳам кўпчилик қатори янги йил аввалида «Юртимизда тинчлик-хотиржамлик барқарор бўлсин, бобо деҳқонларимизнинг хирмонлари тоғдек юксалаверсин!», деб дуо қиламиз.

Шавкат САФАРБОВЕВ, АСМ ходимлари касба уюшмаси Республика кенгашининг Хоразм вилояти мастул ташкилотчиси




Касаба уюшма тadbири Шодлигиндан айланай сенинг

Китоб тумани тиббиёт бирлашмаси касба уюшма қўмитаси ташаббуси билан ходимларнинг фарзандлари учун «Янги йил байрами» уюштирилди.

Боложонларга туман маданият саройининг «Ибрат» театр студияси актёрлари ижросида «Эгривой ва Тўғривой» эртақ-томошаси тақдим этилди.

Кўркам безатилган арча атрофида Қорбобо ва Қорқиз жажжи ўғил-қизларга топишмоқ айтиб, уларнинг зукколигини сингани барча-барчага бирдек манзур бўлди. Топқир иштирокчилар совғалар билан тақдирланди. Шунингдек, касба уюшма қўмитаси томонидан ижтимоий ҳимояга муҳтож ходимларнинг 1100 нафар фарзандига Янги йил совғалари топширилди.



Акмал АБДИЕВ, «ISHONCH»



Ана холос...

Ўйиндан ўт чиқди...

Янги йил кириб, соатларнинг бонг ўрмиши ҳамон гўмбур-гўмбурлар ҳаммаёқни ларзага келтирди. Қизиқиб, дераза ойнасида кўчага қарадим. Эҳ-ҳе, ҳаммаёқни шунчалар тўтун босиб кетган, пақиллагичларни пақиллатаётган қўшнларимизнинг фақат шарпалари кўринади. Болаларнинг хурсанд бўлиб бақаришларини айтмай-сизми!

Бир пайт, тўғримиздаги хонадон ашиги ёнида турган машинанинг чироғи ёқилиб, нигоҳим ўша томонга қадалди. Ўшиқдан басавлат, соч-соқоллари оппоқ, қўллариди катта ҳассасига сунган нуруний Қорбобо чиқди. Бунча чиройли бўлмас – хаёлимдан ўтди беихтиёр. Уни кузатишга отаси билан чиққан болакай эса меҳмонининг кетиб қолаётганидан йиғлаб, ҳеч нарсага кўнмасди. Шунда фарзандини чалғитиш учун:


– Тойим, кел ёнимга, биз ҳам Қорбобожон билан биргаликда салот отамиз, – деди-ю чўнтагидан пақилдоқлардан бир нечтасини олди ва Қорбобого ҳам узатди. Кичкинтой йиғлашдан тўхтади. Хурсандчилигидан сакрашга тушиб, Қорбобонинг атрофида гир-гир айлана бошлади...

Ўйин бошланди. Хурсандчилик, қий-қирқилар давом этаётган бир вақтда... ол-а, бу ёғи қандоқ бўлди – ўйиндан ўқ чиқди. Кутллаганича кимнингдир қўлидаги матоҳдан учкун чиқиб, виқор билан турган Қорбобо томон учиб келиб, оппоқкина соқолига тушди.


Юз берган воқеадан қўрқиб, бир чекада кузатиб турган кичкинтой, Қорбобо либосида қўшни амаки эканини қўриб, унинг ҳақиқий эмаслигини билди-ю, йиғлаганича уйига югуриб кириб кетди.

Қисқаси, содир бўлган бу ҳолатни қўриб, раҳматли Ҳожибой Тожибоевнинг «ҳозир куясан... ана кўйдин», деган машҳур гаплари хаёлимдан ўтди.

Ажабо, бир неча йиллардан бери оғохлантиришларга қарамай, авж пардада давом этаётган бу каби ҳолатлардан нега кўпчилик ўзига тегишли хулоса чиқармапти? Ахир, кўза хар кун эмас, кунли келганида синиши мумкин-ку!



Рано МАХКАМОВА, журналист



Дилдора ИБРОҲИМОВА, журналист

Табрик

ЎЗБЕКИСТОН КАСАБА УЮШМАЛАРИ ФЕДЕРАЦИЯСИНИНГ САМАРҚАНД ВИЛОЯТИ КЕНГАШИ ЖАМОАСИ

*Барча юртдошларимизни, шунинг билан,
Самарқанд ақлини, сийолатдаги касабани уюшма аъзоларини
Янги – 2022 йил билан
қутлайди.*

Эркин ВОҲИДОВ,
Ўзбекистон халқ шоири

Янги йил шеъри

Инсон феъли ажабдан ажаб,
Йўқдир унга мезонсиз олам.
Юлдузларни ўлчар ботмонлаб,
Қаричлайди чексизликни ҳам.

Ўзи эга, ўзи қул мангу
Ўзи топган ақидаларга,
Не дей, ҳатто мангуликни у
Бўлиб чиққан дақиқаларга.

Дақиқадан соатлар йиғиб,
Кунлар тузиб ой жам қилади.
Йиғламайди умр ўтди деб,
Йил ўтди деб байрам қилади.

Кўпайса-да ажинлар ҳарчанд,
Оқарса-да йиллардан боши,
Кувонади – кўпайди фарзанд,
Севинади – улғайди ёши.

Бу туганмас орзу-ҳавасда
Бор умидбахш имонга асос:
Инсон ўлмас.
Аста ва аста
Боқийликка ўтади, холос.

**Фурсатдан фойдаланиб,
барча-барчага янгидан-янги
зафарлар ёр
бўлишини тилаймиз.
2022 йилда ҳаммамизнинг
орзу-ниятларимиз ушалсин!
Гўзал ва бетакрор юртимиз тинч-осойишта,
олижаноб, бағрикенг халқимиз
ҳамиша омон бўлсин!**

**Янги йил барчамизга
муборак бўлсин!**



2007 йил 11 январда
Ўзбекистон
Матбуот ва ахборот
агентлигида
116-рақам билан
рўйхатга олинган.

«Ishonch» va
«Ishonch-Doverie»
gazetalari
тахрир хайъати:

Кудратилла РАФИҚОВ
(тахрир хайъати раиси),
Улуғбек ЖАЛМЕНОВ,
Анвар АБДУМУХТОРОВ,
Сайфулло АҲМЕДОВ,
Акмал САИДОВ,
Равшан БЕДИЛОВ,
Кутлимурот СОБИРОВ,
Сухроб РАФИҚОВ,
Шоқосим ШОИСЛОМОВ,
Ҳамидулла ПИРИМҚУЛОВ,
Нодира ҒОЙИБНАЗАРОВА,
Анвар ҚУЛМУРОДОВ
*(Бош муҳаррирнинг
биринчи ўринбосари),*
Меҳриддин ШУКУРОВ
(Масъул котиб – «Ishonch»),
Валентина МАРЦЕНЯК

Бош муҳаррир
Хусан ЭРМАТОВ

Бўлимлар:
Касаба уюшмалари ҳаёти –
(71) 256-64-69
Хуқуқ ва халқаро ҳаёт –
(71) 256-52-89
Миллий-маънавий
қадриятлар ва спорт –
(71) 256-82-79
Хатлар ва муҳбирлар
билан ишлаш –
(71) 256-85-43
Маркетинг ва обуна –
(71) 256-87-73

www.ishonch.uz
сайти орқали Ўзбекистон
Республикаси Президентининг
фармон ва қарорлари,
энг сўнги аниқликлар,
таҳлилий, таъқидий
мақолалар, хабарларнинг
тўлиқ матни
билан танишишингиз
мумкин.

Хўдудлардаги муҳбирлар:
Қорақалпоғистон
Республикаси – (+998-99) 889-90-22
Андижон вилояти – (+998-99) 889-90-23
Жиззах вилояти – (+998-99) 889-90-34
Наманган вилояти – (+998-99) 889-98-02
Навобий вилояти – (+998-99) 889-90-28
Тошкент вилояти – (+998-99) 573-77-14
Самарқанд вилояти – (+998-99) 889-90-26
Сирдарё вилояти – (+998-99) 889-98-55
Сурхондарё вилояти – (+998-99) 889-90-32
Фарғона вилояти – (+998-99) 889-90-24
Хоразм вилояти – (+998-99) 889-98-01
Қашқадарё вилояти – (+998-99) 889-90-27

«Ishonch»дан олинган маълумотларда
манба сифатида газета номи
кўрсатилиши шарт.

Муаллифлар фикри таҳририят
нуқтаи назаридан
фарқланиши мумкин.

Навбатчи муҳаррир:
С. Абдурахмонов

Мусахҳиллар:
Д. Худойберганова,
У. Худойберганова

Саҳифаловчи:
Ҳ. Абдужалилов

Босишга топшириш вақти – 21:30
Топширилди – 21:50

Газета офсет усулида,
А-2 форматда босилди.
Ҳажми 2 босма табақ.
Бўртма Г–106
33839 нусхада босилди.
Нашр кўрсаткичи: 133

1 2 3 4 5 6
Баҳоси келишилган нарҳда

Манзилими:
100165, Тошкент шаҳри,
Бухоро кўчаси, 24-уй.
E-mail: ishonch1991@yandex.uz

Газета ҳафтанинг сешанба, пайшанба
ва шанба кунлари чиқади.
Газета «Ishonch»нинг компьютер
марказида терилди ва саҳифаланди.

«Shagʻ» нашриёт-матбаа акциядорлик
компанияси босмахонасида chop этилди.
Корхона манзили:
Буюк Турон кўчаси, 41-уй.

Таҳририят ҳисобрақами:
2021 0000 0004 3052 7001,
АТИБ «Ipoteka bank»
Яшнобод филиали,
Банк коди: 00959,
СТИР: 201133889,
ОКЭД: 58130

Реклама

Ipoteka-bank MasterCard

kartalari orqali to'lovlarni
amalga oshiring

- ✓ Karta ochish uchun bank komissiyasi 20 ming so'm;
- ✓ Karta depoziti (AQSH dollarida) 10 \$;
- ✓ Kartani stop listga qo'yish bepul;
- ✓ Kartaga SMS xizmatini yoqish bepul;
- ✓ Ipoteka-bank ATIB terminalari orqali naqd xorijiy valyuta yechib berish 0%;

1233 | ipotekabankofficial | ipotekabank.uz
Хизматлар лицензияланган.

Табрик

Yangi yilingiz muborak bo'lsin!

«Ipoteka-bank» ATIB jamoasi barcha
hamyurtlarimizni 2022 yil bilan samimiy qutlaydi.
Yangi yil oilangizga qut-baraka, to'kin dasturxon,
mustahkam sog'liq, tinchlik-xotirjamlik,
baxt-saodat olib kelsin!

2022